

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara:

**Naalackersuisunut apeqquqtit:**

1. “Qamani - Imminut toqunnissamik pinaveersaartitsineq pillugu periusissiaq 2023-2028” kiap akisussaaffigaa?
2. Imminut toquttarnerup pinaveersaartinnissaanut tunngatillugu suliniutit qanoq ingerlanersut Naalackersuisut nassuiarsinnaavaat?
3. Imminut toqussimasunit qimagaasut ikiorserneqarnissaat pillugu Naalackersuisut iliuseqarnersut nassuiarsinnaavaat, tamanna “Qamani - Imminut toqunnissamik pinaveersaartitsineq pillugu periusissiaq 2023-2028”-mi amigaataammat? Qimagaasut tassaasinnaapput aapparisaq, meeqqat, kammalataatit atuaqatit.
  - a. Taamaappat Naalackersuisut nassuiaaquneqarput suliniutit suut aallartinneqartut sumullu killinnersut.
4. “Qamani”-mi aqutsisoqatigiit pilersinneqareersimappat?
  - a. Taamaappat qasseriaq ataatsimiinnikuuppat, qanorlu aalajangiisoqartarpa?
5. Nunaqqatigiinni attaveqatigiit pilersinneqarpat?
  - a. Taamaappat piffinni sumi attaveqatigiittarfiliorsimappat, qanorlu akulikitsigisumik ataatsimiittarpat?
6. Nunaqqatigiinni attaveqatigiit aqutsisoqatigiinnut nalunaaruteqartarpat?
  - a. Taamaappat, qanoq akulikitsigisumik taamaaliortarpat, qanorlu kinguneqarpa?
7. Ukiut tallimat kingulliit ingerlaneranni imminut toquttarnerup pinaveersaartinnissaanut ilitsersuisut qassit ilinniartinneqarsimappat?
8. Imminut toquttarnerup pinaveersaartinnissaanut ilitsersuisut ilinniartinneqartut atorluarneqarnissaat Naalackersuisut qanoq qulakkeerniarpaat?

(Inatsisartunut ilaasortaq Juno Berthelsen, Naleraq)

**Tunngavilersuut:**

Apeqquutit apeqquutigineqarput imminut toquttartut amerlavallaartut, inuiaqatigiinnik eqquisartut, pinaveersaartinniarlugu Naalakkersuisut suliniuteqarlutillu siunnerfeqarluarlutik iliuseqarnersut naliliiffiginiallugu.

Nunatta Nakorsaaneqarfiata 2025-mi imminut toquttarneq pillugu ukiumoortumik nalunaarusiaani<sup>1</sup> allassimavoq Kalaallit Nunaanni imminut toquttartut nunanut allanut sanilliullugit amerlanerujussuusut, 2025-milu 2018-imiilli aatsaat taama amerlatigilersimasut.

Tamatuma takutippaa ajornartorsiut pimoorunneqartariaqartoq, aammali ersersippaa inuiaqatigiittut ukiut tamaasa imminut toquttartut ikilisarnissaat anguniarlugu anguniakkat sulii anguneqanngitsut.

Pisortat akimorlugit suliaqarneq pingartinneqartoq periusissiami eqqaaneqarpoq – taamaattumik inuiaqatigiit tusarusussavaat suliaq taamak pingaaruteqartigisoq qanoq ingerlarnersoq.

Ukiuni kingullerni imminut toquttarnerup pinaveersaartinnissaanut ilitsersuisunik ilinniartitsisoqarsimavoq, ilisimaneqanngilarli ilitsersuisut misilittagariligaallu oqartussaasuniit naammattumik atorneqarnissaat anguniarlugu suliniuteqartarnersut.

Apeqquutigineqartut ullut suliffiusut qulit (10) iluanni allakkatigut akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.

---

<sup>1</sup> [https://nun.gl/nyheder/2026/03/selvmord-2025?sc\\_lang=kl-gl](https://nun.gl/nyheder/2026/03/selvmord-2025?sc_lang=kl-gl)